

পরীক্ষা আইন অমান্যের
অভিযোগে প্রধান
শিক্ষকের নামে
গ্রেফতারী পরোয়ানা

॥ স্টাফ রিপোর্টার ॥

কালীগঞ্জ পাইলট হাই স্কুলের
প্রধান শিক্ষক পলাতক। তার
বিরুদ্ধে এসএসসি পরীক্ষায়
কর্তব্যরত ম্যাজিস্ট্রেটের নির্দেশ
এবং পরীক্ষা আইন অমান্যের অভি-
যোগে গ্রেফতারী পরোয়ানা জারি
করা হয়েছে।

জানা গেছে, ঢাকা জেলার কালী-
গঞ্জ পাইলট হাই স্কুল কেন্দ্রে
সদ্য সমাপ্ত এসএসসি পরীক্ষায়
তিনজন পরীক্ষার্থী ও কর্তব্যে অব-
হেলার জন্য দুজন পরিদর্শকের
বিরুদ্ধে সুনির্দিষ্ট অভিযোগ থাকে
সত্ত্বেও স্কুলের প্রধান শিক্ষক
তাদের বিরুদ্ধে শাস্তিমূলক ব্যবস্থা
গ্হণ করেননি। কর্তব্যরত ম্যাজি-
স্ট্রেট এজন্য পরীক্ষা আইন ১২এফ
উপধারা এবং স্পেশাল অ্যাক্ট ৭৪
অবমাননার অভিযোগ করে স্কুলের
প্রধান শিক্ষকের বিরুদ্ধে মামলা
দায়ের করেন।

ঘোড়াশাল থেকে সংবাদদাতা
জানিয়েছেন বাংলা ২য় পত্র পরী-
ক্ষার দিন কর্তব্যরত ম্যাজিস্ট্রেট
৩ জন পরীক্ষার্থীকে নকলসহ হাতে-
নাতে ধরেন এবং পরীক্ষা কেন্দ্রের
ইল সুপার কালীগঞ্জ পাইলট হাই
স্কুলের প্রধান শিক্ষককে বোর্ডের
নিয়মানুযায়ী ব্যবস্থা গ্হণের
আদেশ দেন। কিন্তু প্রধান শিক্ষক
কোন ব্যবস্থা গ্হণ না করে পরী-
ক্ষার্থীদের পরীক্ষা দেওয়ার সুযোগ
দেন। এতে ম্যাজিস্ট্রেট প্রধান
শিক্ষকের বিরুদ্ধে সরাসরি সরকারী
কর্মচারী হিসাবে আদেশ অমান্য
করার অভিযোগে অভিযুক্ত করেন
এবং কোর্ট কেস করেন।

তারিখ ... ৩/১/৪৩ ...
পৃষ্ঠা ... ৩ কলাম ৬ ...

011